



NEVLADINA ORGANIZACIJA ALTRUISTA  
ZA POMOĆ OSOBAMA S UMANJENIM SPOSOBNOSTIMA  
" SVJETLO" - SARAJEVO

Broj: 104/2010.

Sarajevo; 01.03.2010. godine

SAOPŠTENJE ZA JAVNOST

**OSUDA ZABRANE SVEČANOSTI OBILJEŽAVANJA DANA NEZAVISNOSTI BIH  
U PARLAMENTU BIH**

NVO altruista „SVJETLO“ osuđuje čin zabrane svečanog obilježavanja Dana nezavisnosti BiH koji se trebao održati u sali Parlamenta BiH. **IPAK, ZAHVALJUJUĆI HRABRIM LJUDIMA SKINUTI SU OKOVI SA ULAZA U SALU I UPALJENO JE SVJETLO U SALI PARLAMENTA BIH** i održana je Svečana sjednica Skupštine Kantona Sarajevo i Foruma parlamentaraca BiH-1990 u povodu obilježavanja 1. marta Dana nezavisnosti BiH.

Sam čin zabrane održavanja Svečane sjednice u sali Parlamenta BiH, u sali u kojoj su raznorazne organizacije održavale raznorazne prezentacije, je najblaže rečeno čin nekulture, nedostatka civilizacije, čin nasilja, čin agresija nad vlastitom državom. Neko, u ovom slučaju, prema riječima organizatora, predsjedavajući Skupštine BiH Miroslav Živković, opet pokušava negirati državu za čije postojanje datiraju dokumenti iz VII vijeka, a u državno pravnoj tradiciji državnost pripada srednjovjekovnoj dobi, prve vladavine Kulina Bana 1180. godine.

Naša država će biti onakva kakav je naš odnos prema njoj, a meni je posebno drago da su se pred zgradom Parlamenta BiH, očito čuvši za događaj, okupilo i nekoliko građana sa zastavom BiH, dakle ne nikakvih stranačkih i nacionalnih obilježija, već obilježija Bosne i Hercegovine, jer sam sam svjedok svih događanja.

Razumijem da neko ne voli državu u kojoj zarađuju novce poreskih obveznika i obezbjeđuju ekonomsku sigurnost za sebe i svoju porodicu. Nekada bi se te osobe zvali gasterbajterima, ali treba imati minimum dostojanstva, jer i gasterbajteri ukoliko ne poštuju državu u kojoj rade budu protjerani.

Nadam se i očekujemo da ovaj svojevrsni skandal neće zasijeniti najvažniji događaj 1. marta Dan nezavisnosti BiH.

Nadam seda će građani progledati, izaći na izbore, i više neće dopustiti teror manjine koja bira i bude izabrana nad većinom zbog malog procenta glasača.

Nadam se da će BiH biti lijepa zemlja, zemlja budućnosti, međusobnog povjerenja, suživota, tolerancije, zemlja jednakih prava za sve, jer politike bivaju i prolaze a narodi ostaju. Valjda se opet nećemo pitati što nam je ovo trebalo.

Izvršni direktor  
Haris Čaušević

**“ MLADI TIM SA KREATIVNIM PRISTUPOM ZA NOVO DOBA “**